

影印
文淵閣

四庫全書

影印

文淵閣四庫全書

第六二七冊

北京出版集團公司
北京出版社

本冊目次

欽定續文獻通考(二)

清

嵇璜
曹仁虎等奉敕撰……………一

欽定四庫全書

史部
欽定續文獻通考卷三十

編修_臣 翟槐覆勘

總校官內閣中書_臣 孫溶

欽定四庫全書

欽定續文獻通考卷三十

國用考

臣等謹按馬端臨作國用考自周官九賦九式以迄宋代內藏之制大要以善制用者民裕而其國充不善制用者民怨而其國促所謂君有餘財民有餘貲者非厚斂多藏之謂矣宋自寧宗而後帑藏漸竭調度方殷卒無濟於國事遼起朔漠既建

欽定四庫全書

欽定續文獻通考
卷三十

五京置鹽鐵諸司其時錢穀充羨國用富饒者以防邊省費而經理得人也金代始則攻宋後則敵元征戰無已財用缺如元成宗教核會計量節賜予乃其後歲課之入日增月益而國用寔廣度支不給則以不能量入為出故耳明初天下府庫各有存積武宗以後費出無經至神宗而降內帑之所出浮於成額閭閻之所入困於科徵助之以搜括繼之以加派公私兼窘以至於亡蓋外庫之虛

民力之竭有由來矣今自宋末至明代國用之具於史者依次臚載而財用之本末與國運之盛衰可以參觀而見其漕運賑恤蠲貸之制亦依焉考之例附載焉

歷代國用

宋寧宗慶元二年三月有司上慶元會計錄

先是孝宗乾道三年命自後宮禁內人并百官將校軍兵諸司人每月初五日國用房開具前月請給數

欽定四庫全書

欽定續文獻通考
卷三十

二

目并雜泛支用造冊進呈外路軍馬亦降式付諸總領逐月開呈永為定式四年度支趙不敵言方今內外支用歲約五千五百萬緡有奇若諸路供億以及務場別無減欠則所入尚足以支所用然賦入科名猥多分隸於戶部之五司如僧道免丁常平免役坊場酒課之類則左右曹掌之上供折帛經總無額茶鹽香礬之類則金部掌之度支則督月椿倉部則專糴本雖各為催理而悉經度支籍之即古者量入為

出之義則度支一司安可不周知所入之數也茲置都籍會稽窠名總為揭帖簿書草具條目粲然乞付本曹自今為始歲一易之庶有司久遠遵行不惟財賦易以稽考且胥吏無所容奸矣光宗紹熙初以秘書郎鄭湜言脩紹熙會計錄至是有司復上之

嘉泰四年十二月詔總覈內外財賦

時以陳自强兼國用使費士寅張巖同知國用事

^臣等謹按宋初天下混一歲入緡錢千六百餘萬

欽定四庫全書

欽定續文獻通考
卷三十

三

太宗以為極盛兩倍於唐室是後日增歲廣至熙豐間合苗役市易等錢乃至五千餘萬渡江初東南歲入不滿千萬上供纔二百萬緡至呂頤浩在戶部始創經制錢六百六十餘萬緡孟庾為執政又增總制錢七百八十餘萬緡朱勝非當國又增月椿錢四百餘萬緡紹興末合茶鹽酒算坑冶權貸糴本和買之入凡六千餘萬緡而半歸內藏昔時中都吏祿兵廩之費一歲不過百五十萬緡元

豐間月支三十六萬宣和崇修支百二萬南渡時連年用兵月支猶不過八十萬其後休兵寢久用度滋益戶部嘗患無餘至紹興三十一年金人逾盟軍書旁午戶部侍郎劉岑等至借江浙荆湖等路坊場淨利錢以備軍賞三十二年總領四川財賦王之望至括民質劑未稅者以資調度殿中侍御史吳芾請核實內外兵以節養兵之費禮部侍郎黃中請入內帑者悉以歸左藏孝宗隆興元年

欽定四庫全書

欽定續文獻通考

卷三十

四

三月始詔戶部置局議節浮費至是年六月詔侍從臺諫兩省集議裁抑濫賞又詔諸路監司核實諸州椿積錢米是月復命總覈內外財賦焉自是以後理財益急國用益不足矣

開禧元年二月詔國用司立考覈財賦法

七月以韓侂胄兼國用使

二年正月更名國用使為國用參計所

嘉定元年閏四月置拘推安邊錢物所

二年正月詔内外有司疏陳節用之事

是後駕部員外郎李鳴復奏日記云國無九年之蓄曰不足無六年之蓄曰急無三年之蓄曰國非其國也今試思之其有九年之蓄否乎今日之國計版曹實司之分版曹之責任者內則司農外則四總領是也臣家於蜀嘗究觀蜀賦總入之數以緡錢計之歲約二千二百餘萬向也和議未絕烟塵不警尚可支吾今也邊戍倍增用度益廣每難

欽定四庫全書

欽定續文獻通考

卷三十

五

酬應朝廷以數不敷歲降七百萬緡以助其費此其大畧也通者丞丞農扈亦嘗究觀農寺歲催之額米一百三十餘萬石錢一百六十餘萬緡以既入之錢糴未足之米總約二百餘萬而後可敷歲支之數亦其大畧也蜀之所產未足供一歲之用農寺之所催僅可為一歲之出求儲積以備不時蓋無有也類而推之湖廣淮東西總計猶是也此所以經費之外卒有緩急取辦於朝廷之椿管其

散在他所者不得而知也其米斛之在京城者可得而言也曰兩豐儲曰中下界凡四倉總不過二

百萬石水旱之科撥歲寒之賑濟閏月之貼降皆

於是取之此猶曰常程也最可慮者江西湖廣粒

米狼戾昔為樂土今為盜區賦輸不入綱運轉虧

諸總以匱乏告嘗截大農之綱以周其急矣冠賊

未平漕運未至則其告匱必不能已也農寺以貼

降請嘗撥椿管之數以償其虧矣截撥有令不容

欽定四庫全書

欽定續文獻通考

卷三十

六

不行則其求償又當與之俱也移東補西已非得

已若捉衿肘見不知計又安施也去歲浙右之地

皆以稔告朝廷和糴視舊有加廟算深長動中事

會獨惜任是職者不務大體錙銖必較則負版之

徒安能奔走以聽命網羅交設則藏積之家不免

懷疑而待價名為和糴實類科糴始於趁時終於

失時然猶幸其可助國計他不足問也今日之勢

迫矣所積有限而仰給無窮將何以為計願軫念

事變之來急為根本之慮其於時政實非小補

三年四月出內庫錢二十三萬緡賜臨安軍民

十一年正月以度僧牒千給四川軍費

知成都曹彥約奏曰今日財用之弊朝廷則窘於

應辦州縣則窘於支遣總餉則今非昔比戎司則

今不一律臣始守漢陽軍當湖北最窘處適敵騎

入境催科束手猶且解發不改常度是十年以前

州郡猶可為也越二年而攝事湖廣總餉乃擴江

欽定四庫全書

欽定續文獻通考

卷三十

七

州之銀券以足襄陽運德安之鐵鋸以實隨棗移

東就西截長補短支撐數月僅不廢事及正官交

割後其用益窘有請於朝久無畫降其人至投環

自殺以救得免矯制展官會界分二百萬乃始集

事是八年以前總餉已不可為矣又二年而得守

長沙亦當應辦之時朝廷科撥未至諸郡綱運尚

闕帥司移文本州未免那兌其間小小名色不復

責償值朝廷稱提官會則多出庫錢以便百姓二

年之後比交割元數尚有增羨是七年以前州郡猶可為也又二年而節制利州兼領郎事則知利州已不得如長沙時矣用兵之後事力更改有節度使寄居奉祠則歲費增數千緡有總管鈐轄路分添差作闕則歲費又增萬緡勉盡瘁僅了元額又二年而守豫章則知豫章又不得如利州時矣調發既多則酒課不辦權場不通則稅課漸減雖樽節用度不致虧數而所以為經費者甚岌岌

欽定四庫全書

欽定續文獻通考
卷三十

八

也戎司之事雖未親歷然在利州聞管軍二萬四千人交承錢物不過二三萬緡支吾不行至有奪前政宅庫之物以為公用者又聞被旨巡邊有迴避戍卒支犒以葬妻為名行於小路者是數年來不特州郡不可支遣戎司亦窮陋至甚也而朝廷之財臣不得盡知但見招募軍兵脩築城堡額外和糴遍滿天下是用財之處比前日為多也楮券不足加以增印度牒不足助以告勅是生財之路

比前日為廣也國用司本以蓄藏幣之數而沒入平民漸生枝葉安邊所本以藉權奸之產而變及征權頗動觀聽大寧監之鹽本已竭而轉運司之增羨不已宕昌之馬價未償而茶馬司之獻納不廢是取財之道比前日為苛也民力竭矣上下煎熬一至此極將何以救之哉嘗論天下之財未足以了天下之用位置分畫要得其所截然條目不可移易紹興隆興間外寇犯順朝廷調發雖費若

欽定四庫全書

欽定續文獻通考
卷三十

九

河海而州縣常賦無窘迫之態百姓安業無怨懟之患大郡交割之數有緡錢積至百萬小郡亦有數十萬者若民間積粟往往上戶十萬斛中產亦數千斛上恬下熙相安無事淳熙紹熙其俗未改近者公私之計窮陋萬狀皆云開禧以來兵議纔起取常平義倉以供綱運則救荒無先備撥官告度牒茶鹽引為糴本則交易無見價軍器之有製造弓兵之有調發椿積之有水脚招軍之有賞犒

非時泛用一切取辦許於交承錢內支破而州郡所積漸無遺蓄矣調發有劈券則月糧有倍費功賞有轉資則食錢有添請拆洗有往來之費暴露有特喝之賞便宜從事一切取辦朝廷應付稍不如期而轉餉移兌即虧舊額矣戎司之事雖不欲窮問本末然寔於開禧之後不寔於開禧之前亦必有以致此望與大臣議立定制以官兵之常數

欽定四庫全書

欽定續文獻通考
卷三十

十

司而不責以不測之費總所應兌者悉與拋降使之任乏興之罪課利有增羨者不許申奉使之備循環之費其一切調發則朝廷自任其責當科降者即科降不必徒為勘究當支撥者速支撥不許故為遲留如八月當和糴則七月先科降十月當調發則九月先支撥久監司郡守之任以寬其迎送嚴刻剝羨餘之禁以沮其觀望使有志者可以募士養兵謹重者可以備水旱脩城郭設有緩急

亦得以仰成而取辦至於戎司尤當知其事力寬其利源上可以慰其心下可以饗其士伸縮自如可以展布若大農之不繼則在陛下圖回而斡旋之耳紹興和戎以內帑了歲幣中間用兵以內帑激將佐中興之法昭若日星可舉而行之也雖然又有說焉軍政在戎帥則總領為急務軍政在宣制則總領為贅員何也蓋軍政在戎帥則民事不得與知命人以總領其事無可疑者軍政在宣制

欽定四庫全書

欽定續文獻通考
卷三十

十一

則財賦輕重當出其手總領之職特一有司耳今欲招一軍而聽命於朝論移一屯而分券於總所使朝論疲於應酬視為常事總所恥於督辦遽相婁斐宣制不可為矣誠使四總所之財聽命於宣制如張浚之用趙開就糧摺運惟意所欲如吳世將之處吳玠不膠柱調瑟不鑿空取辦或欲減一軍以寬用度或欲增一軍以臨邊塞効用有奇傑者可陞為背嵬民兵有精悍者可選為効用審緩

急之宜量出入之數宣制得專之他司不能撓之
非有大變革不必俟命而後行非有大調發不待
乞錢而後舉則州縣總制皆得自用其財而大農
之財亦可得而稽考矣

理宗端平元年編類端平會計錄

都省言近來戶部財賦會計不明度用無節詔令尚
書省計簿房置局稽考委都司官同樞密院編修官
編類端平會計錄仍令條具來上權置檢閱文字二

欽定四庫全書

欽定續文獻通考
卷三十

員

侍御史李鳴復奏曰古者冢宰制國用必於歲之
抄視年之豐耗量入以為出夫量入為出一有司
事耳而必為之制必歸之冢宰何也蓋天下之財
入有豐耗之不常出有增損之各異權多寡以酌
費用是之謂制此制一定雖人主不得越制過取
有司不得違制擅支制與不制之間民生之休戚
天下之理亂繫焉此豈一有司所能辦哉國朝財

用雖掌之三司使而制國用之說憂國者每每及
之張方平論支費數廣則乞下中書樞密院審加
圖議范鎮論財匱民困則乞使中書樞密院通知
兵民財利大計至孝宗乾道間則又特命宰相兼
制國用使叅政同知國用事當時雖九重遽密之
地亦未嘗不朝夕在念也今日之財用匱矣府庫
已竭而調度方殷根本已空而耗蠹不止廟堂之
上不聞他策惟添一捺紙局以為生財之地窮日

欽定四庫全書

欽定續文獻通考
卷三十

之力增印楮幣以為理財之術楮日益多價日益
減號令不足以起其信繼以稱提稱提不足以強
其從重以估籍估籍之令行而民不聊生矣往者
會計有局檢閱有官在上者若致思國計矣然置
郵旁午徒撫空文歲月遷延莫究實效又論造楮
有疏論省費有疏在下者若致憂國用矣然位卑
言高聽之者未必信事大體重聞之者未必行臣
愚欲陛下遠體周人制國用之遺意近法孝宗任

宰執之成規明詔大臣條陳經畫何道而可以足一歲之用何術而可以致九年之蓄所入不足於何取辦所出不敷於何減損揆事理之當然度時宜而裁酌當必有轉移闡聞之用以副朝廷之責望者

嘉熙元年正月初置財用司

至二年二月太宗正丞賈似道奏裕財之道莫急於去賊吏藝祖治賊吏杖殺朝堂孝宗真決刺面今日

欽定四庫全書

欽定續文獻通考

十四

行之則財自裕

淳祐六年正月置國用所

是後寶祐四年九月監察御史朱熠言境土蹙而賦斂日繁官吏增而調度日廣景德慶曆時以三百二十餘郡之財賦供一萬餘員之俸祿今日以一百餘郡之事力贍二萬四千餘員之冗官邊郡則有科降支移內地則欠經常納解欲寬民力必汰冗員帝納焉

臣等謹按是時財賦之官有總領有提領如淳祐

元年四月以賈似道為太府少卿湖廣總領財賦

至是年置國用所命趙與憲為提領官九年九月

詔趙與憲提領戶部財用十一月又以與憲為資

政殿學士提領國用寶祐元年八月以馬光祖為

司農卿淮西總領財賦五年二月命趙葵兼湖廣

總領財賦余晦淮西總領財賦六年二月以馬光

祖為京湖制置司兼夔路策應湖廣總領財賦開

欽定四庫全書

欽定續文獻通考

十五

慶元年四月以呂文德兼四川總領財賦十一月

以應印雷為軍器監淮西總領財賦兼江東轉運

判官景定元年四月命馬光祖兼淮西總領財賦

二年十一月光祖提領戶部財賦蓋汲汲為國用

計故命重臣專司其事如此

開慶元年二月出內庫緡錢三千萬助邊用

至九月詔出內府錢千萬緡銀五萬兩帛五萬匹給

宣司錢五百萬緡銀三萬兩帛三萬匹給沿江副司

犒師又出內庫錢五百萬緡銀二萬兩帛二萬匹給兩淮制司錢三百萬緡銀萬兩帛萬匹給沿江制司以備軍賞十一月詔江東西宣撫使趙葵便宜行事以錢五百萬緡銀五萬兩給其用閏十一月又詔出內帑緡錢五千萬犒內外諸軍

臣等謹按是時屢值軍興賜錢不貲其見於本紀者是年後至景定元年正月元帥北還詔以緡錢三千萬犒師并示賞功之典又賜鄂州戰守將士

欽定四庫全書

欽定續文獻通考

卷三十

緡錢三千萬度宗咸淳六年正月以錢二百萬賜夔路策應司備禦賞給十月遣范文虎總統殿司兩淮諸軍往襄樊會合備禦賜錢百五十萬犒師十一月詔襄郢屯戍將士隆寒可憫賜錢二百萬犒師七年六月以錢百萬銀五千兩命知嘉興府皆萬壽脩城浚濠繕甲兵備禦過又詔以蜀閬調度浩繁賜錢二百萬給用又以隆暑給錢二百萬賜襄郢屯戍將士八月以錢三百萬遣京湖制置

李廷芝詣郢州調遣犒師又命沿江制置副使夏

貴會合策應以錢二百萬隨軍給用十二月以錢

三十萬命四川制司下渠洋開州寧西鎮撫使張

朝寶叔司犒師八年二月以錢二百萬給犒襄郢

水陸戰戍將士九年四月以錢二百萬給兵部尚

書湖廣總領汪立信開閬犒師又以錢六十萬給

沿江制置趙潛江防捍禦十月以李庭芝為兩淮

安撫制置使賜錢二百萬給犒備禦十一月以夏

欽定四庫全書

欽定續文獻通考

卷三十

貴為淮西安撫制置使賜錢百萬給犒備禦十年六月以銀二萬兩命壽春府措置邊防蓋軍書旁午尚藉此以維持十餘年誠亦激勸之一術耳

恭帝德祐元年十二月嘉興府告急給封樁庫錢為兵脩又出安邊封樁庫金付浙東諸郡為兵備

王圻曰宋太祖太宗設三司主計有度支之目又

有提舉帳司磨勘理欠等司皆為會計財用也唐

李吉甫嘗錄元和國計著為成書宋景德皇祐治

平熙寧元豐主計者皆有錄上之其戶口之籍輿地之圖調度之多寡錫予之厚薄莫不畢具各內藏與天下封樁非三司所領者不與焉元祐會計錄蘓轍所著蓋取元豐八年會計之實而別其五曰收支曰民賦曰課入曰儲運曰費經謂一歲之入不足以供一歲之出且論宗室為節度防禦觀察者數倍於皇祐百官為大夫者數倍於景德稍裁減宗室及百官任子恩澤見任者無損方來者

欽定四庫全書

欽定續文獻通考

卷三十

有限亦至計也自罷三司理財無法而渡江以後典籍散亡一切會計事置之不講苟且目前議者惜焉

遼制五京及長春遼西平州置鹽鐵轉運度支錢帛諸司以掌出納

遼史百官志曰遼國以畜牧田漁為稼穡財賦之官初甚簡易自聶母教耕織而後鹽鐵諸利日以滋殖既得燕代益富饒矣

道宗咸雍中馬人望為南京三司度支判官公私交裕至天祚帝時人望遷中京度支使始至府廩皆空視事半歲積粟十五萬斛錢二十萬緡及拜叅知政事判南京三司使事時錢粟出納之弊惟燕為甚人望以緡帛為通歷凡庫物出入皆使別籍名曰臨庫姦人黠吏莫得軒輊

使
太康元年六月知三司使事韓操以錢穀增羨授三司

欽定四庫全書

欽定續文獻通考

卷三十

遼史食貨志曰遼地半沙磧三時多寒春秋耕獲黍稷高下蓋不得與中土同矣然自初年農穀充羨賑饑恤難用不少斲旁及鄰國沛然有餘此無他勸課得人規措有法故也

王圻曰遼起朔漠經費皆不可考惟日有宴月有賜賜之多者銀至二三千金又鞍馬衣匹佐之然亦不至告匱豈防邊之費既省而又藉宋人以為外府歟

金太宗天會十一年八月黃龍府置錢帛司

海陵天德二年正月詔中外節財用

臣等謹按金本紀海陵在位十餘年每飾情貌以御臣下却尚食進鵞以示儉及游獵頓次不時需索一鵞一鵝民間或用數萬售之有以一牛易一鵝者或以敝衾覆衣以示近臣或服補綴令記注官見之或取軍士陳米飯與尚食同進先食軍士飯幾盡而比昵羣小官賞無度常置黃金襦袴間有喜之者令自取之至營南京宮殿運一木之費至二千萬牽一車之力至五百人宮殿之飾遍傳黃金而後間以五彩金屑飛空如落雪一殿之費以億萬計成而復毀務極華麗其南征造戰艦江上毀民廬舍以為材煮死人骨以為油殫民力如牛馬費財用如土苴空國以圖人國遂至於敗天德之詔不過飾情貌之一端耳

世宗大定二年六月出內府金銀給征拜丹軍用

欽定四庫全書

欽定續文獻通考

卷三十

三

二十一年叅知政事梁肅上疏論生財舒用八事

先是肅奏曰方今斗粟三百人已困餓以錢難得故也計天下歲入二千萬貫以上一歲之用餘千萬院務坊場及百姓合納錢者通減數百萬院務坊場可折納穀帛折支官兵俸給使錢布散民間稍稍易得帝曰縣欠院務許折納可也乃復上疏論生財舒用八事一曰罷隨司通事二曰罷酒稅司杓欄人三曰天水郡主本族已無在者其餘皆遠族可罷養濟四曰裁減隨司契丹吏員五曰罷權醋以利與民六曰量減鹽價使私鹽不行民不犯法七曰隨路酒稅許折納諸物此與罷杓欄人罷權醋俱互見權醋考八曰今歲大稔乞廣糴粟麥使錢貨流出帝曰趙氏養濟一事乃國家美政不可罷其七事宰相詳議以聞

臣等謹按世宗自奉儉約見於本紀者不可勝書而賞賚臣下又甚厚其畧見於列傳中者如通吉義罷為益都尹賜金五十兩銀五百兩烏雅扎拉

欽定四庫全書

欽定續文獻通考

卷三十

三

擊幹罕有功以為宿直將軍賜銀三百兩重綵二十端富珠哩定方與宋戰為人所害賻銀五百兩重綵二十端圖克坦喀齊喀平陝西將士明安賞銀五十兩重綵五端絹十匹權正同之正軍人給錢三十貫伊勒希十貫戰沒者皆賜錢有差及喀齊喀薨賻銀一千二百五十兩及重綵幣帛赫舍哩志寧宿州之勝以御服金線袍玉吐鵲賓鐵佩刀使就軍中賜之凡有功將士明安穆昆並如陝

欽定四庫全書

欽定續文獻通考
卷三十

十三

西邊賞佛寧重綵三端絹六匹旗鼓笛手吏人各賜錢十貫還軍睢陽復以御服玉佩刀通天犀帶賜之詔兵士死者人賻錢三十貫明安三百貫穆昆二百貫富埒琿一百貫權明安二百貫權穆昆一百五十貫權富埒琿七十貫及還京師又以玉杓及黃金五百兩賜之及薨賻銀千五百兩重綵五十端絹五百匹完顏思敬獻幹罕俘於京師賜金百兩銀千兩重綵四十端玉帶殿馬名鷹完顏

與薨賻銀千兩重綵四十端絹四百匹完顏阿蘓卒其賻數同完顏宗敏屢立功歷官得民心為海陵所殺賜金五百兩重綵二十端絹三百匹張浩薨賻銀千兩重綵五十端絹五百匹完顏宗憲薨賻銀一千五百兩重綵五十端絹五百匹完顏永元卒賻銀三百兩綵十端絹百匹諾延溫都烏達薨賻銀千兩重綵四十端絹四百匹劉琬除定海軍節度使賜殿馬金帶綵十端絹百匹及卒賻銀

欽定四庫全書

欽定續文獻通考
卷三十

十三

三百兩重綵三十端蓋儉於已而不儉於人其深得用財之道如此

二十九年

章宗已即位

五月詔罷送宣錢

六月又罷送赦禮物錢

章宗明昌六年三月運糧北邊發銀錢等備支給賞勞以銀五十萬兩錢二十三萬六千九百貫備支給銀五萬兩金盃二千八百兩金牌百兩銀盃八千兩絹五萬匹雜綵千端衣四百四十六襲以備賞勞

五月命減萬寧宮陳設九十四所

承安元年十二月勞賜北邊將士

遣提點太醫近侍局使李仁惠勞賜之授官者萬一

千人授賞者幾二萬人凡用銀二十萬兩絹五萬匹

錢三十二萬貫

二年四月降空名度牒等助軍儲

世宗大定初以邊事未定財用闕乏自東南兩京外

令民進納補官及賣僧道尼女冠度牒紫褐衣師號

欽定四庫全書

欽定續文獻通考

卷三十

三十四

及寺觀名額五年罷至是尚書省又奏比歲北邊調

度頗多請降僧道空名度牒紫褐師德號以助軍儲

從之三年西京饑又賣度牒以濟至衛紹王崇慶元

年五月又詔賣空名勅牒宣宗貞祐四年以軍儲不

足許納粟充僧道官

其納粟入官
詳見選舉考

十月初設講議所官十員共議錢穀

三年正月詔罷之

互見職
官考

宣宗貞祐三年三月減芻糧券例

先是承安四年三月尚書省奏減親軍武衛軍額及

太學女直漢兒生員罷小學官及外路教授以省俸

給詔學校仍舊武衛軍額再議餘報可至是御史臺

言在京軍官及委差官芻糧券例悉同征行乞減其

給樞密院委差有俸人吏非征行不必給皆從之四

月以調度不給凡隨朝六品以下官及承應人罷其

從已人力輸傭錢有祿官吏被差不出本境者並罷

給券出境者以其半給之脩內司軍夫亦減其半七

欽定四庫全書

欽定續文獻通考

卷三十

三十五

月詔河北郡縣軍須並減河南之半又詔致仕官俸

給比南征時減其半

七月裁損宮中歲給差

九月立募民進糧賞格

詔司縣官能募民進五千石至二萬石以上各減資

考及升遷有差

詳見選
舉考

興定三年四月定募民入粟法

高汝礪請備防秋之糧宜及年豐於河南州郡驗直

立式募民入粟帝與議定其法而行之

哀宗正大三年正月詔尚書省議省減用度

十一月詔諭陝西兩省凡戎事三品以下官聽以功過

賞罰之銀二十五萬兩從其給賞

六年七月罷陝西行省軍中浮費

天興元年八月括民間粟

尋詔罷括粟復以進獻取之九月罷貧民進獻糧尋

再括京城粟

欽定四庫全書

欽定續文獻通考
卷三十

三十二

金史錫默愛實傳曰天興元年八月括京城粟以

轉運使完顏珠赫張俊民伊喇克忠等置局以推

舉為名既而罷括粟令復以進獻取之前御史太

夫內族哈昭復與進用建言京城括粟可得百餘

萬石朝廷信之命權參知政事與左丞李蹊總其

事先令各家自實壯者存石有三斗幼者半之仍

書其數門首敢有匿者以升斗論罪京城三十六

坊各選深刻者主之內族完顏玖珠尤酷暴有寡

婦二口實豆六升內有蓬子約三升玖珠執而令

於衆婦泣訴曰妾夫死於兵姑老不能為養故雜

蓬批以自食耳非敢以為軍儲也且六升者三斗

之餘不從竟死杖下京師聞之股栗盡投其餘於

冀涸中愛實上奏請罷括粟不報時所括不能三

萬斛而京城益蕭然矣

三月出內府金帛器皿賞戰士

至七月出內府及兩宮物賜軍士十二月御端門發

欽定四庫全書

欽定續文獻通考
卷三十

三十三

府庫及兩府器皿宮人衣服賜將士

二年九月括蔡城粟

時帝奔蔡城遣使如宋借糧宋不許元兵築長壘圍

之故又括粟也

金史食貨志曰太祖肇造減遼租稅規模遠矣熙

宗海陵之世風氣日開兼務遠畧君臣講求用財

之制切切然以是為先務雖以世宗之賢儲積之

志曷嘗一日而忘之章宗彌文翊興邊費亦廣食